

醫國事叢刊

張鈞題



民國二十八年

張鈺捐刊板存

南陽醫聖祠

醫事叢刊目錄

卷上

提案

中央國醫館第二屆全國醫藥界代表大會提案

提議募捐重修南陽醫聖祠案

附董事會章程

請規定祭祀醫聖日期案

擬編纂國醫內瘍婦兒各科證治全書案

附條例

中央國醫館第二屆第二次理事會提案

擬定中醫教學方案案

提議成立募捐重修南陽醫聖祠董事會案

衛生署中醫委員會第一次會議提案

三條

衛生署中醫委員會第二次會議提案

請徵集全中國醫界名宿編纂教學規程案

衛生署中醫委員會第三次會議提案

請設中醫傷科醫院案

請咨河南省政府撥還南陽醫聖祠祀田案

審察意見書

審察統一病名草案意見書

審察病理學意見書

卷下

書序

傷寒雜病論集註序

校訂傷寒雜病論讀本緒言

十二稿傷寒雜病論序

經方藥性辨序

鍼灸經穴圖考序

灸法輯要序

內經類編序

白雲閣原本難經序

中國醫學集成序

曹氏醫藏類目序

中國醫學約編序

醫事叢刊
目錄
論說

中華醫藥學術發明於三皇說

西醫謂傷寒為腸窒扶斯之討論

瘧病原因中西不同之討論

紀遊

謁南陽醫聖張仲景祠墓記

附致南陽縣長函

寧波訪求仲景遺書記

演講

西京藥業公會演講詞

無錫鍼灸學校演講詞

醫事叢刊卷上

長安黃維翰竹齋甫著

提案

中央國醫館第二屆全國醫藥界代表大會提案中

華民國二十四年三月十七日

提議募捐重修南陽醫聖祠享殿以崇先聖而揚

國光案

竊以表彰先哲增國際之光榮報德追功見民風之敦厚
我國醫藥學術創始於神農發明於黃帝三代及漢漸臻
完備至張仲景撰傷寒雜病論而集其大成尚論者推為
方書之鼻祖醫宗之亞聖歷代醫家莫不奉為主臬教澤

久被東瀛仁術漸及西歐不僅為我國千有七百餘年民族疾病所託命亦現代國際醫藥學術莫大之光榮茲查南陽醫聖祠在仲景墓後僅殿宇三楹屋敝垣頽湫隘殊甚而祠田六頃餘盡為該縣師範學校所佔有不惟無以表示國人崇德報功之誠抑且致貽外邦數典忘祖之誚同人等服務國醫藥界不忍膜視爰集眾議除呈請

中央國醫館行文河南省政府飭南陽縣將該縣師範學校所佔醫聖祠地全數歸還外擬於仲景墓前建築享殿五楹中祀醫聖張仲景左配祀王叔和右配祀孫思邈東西廡各五楹祀註傷寒論金匱要畧朱肱成無已許叔微趙以德方中行王肯堂喻嘉言程郊倩魏念庭程雲來

徐忠可柯韻伯尤在涇汪苓友周禹載張令韶張隱庵錢
天來吳謙徐靈胎黃坤載陳修園諸大家並建門樓三間
藏書閣一座蒐羅仲景遺著及古今中外諸家傷寒金匱
註釋度藏其中以資學者研究所需欸項擬具捐冊千份
向海內外好善君子醫藥界同人募集襄茲盛舉並由各
地醫藥界聯合組織董事會詳訂章程負監修保管之責
以昭大公而垂永久以上所陳是否有當理合呈請

大會公決謹呈

中央國醫館全國代表大會

附賁章程一份

重修南陽醫聖祠董事會章程

第一條本會由全國醫藥界共同組織之負經修南陽醫聖祠事務之全責

第二條本會設董事二十一人由全國醫藥界推舉並由董事互推常務董事七人由常務董事互推董事長副董事長各一人均名譽職不得支薪俟經修事務報告成時任務即為終了

第三條本會事務之進行以董事會議決議行之董事會議須得過半數董事之出席方為有效

第四條董事會議每舉行一次開會時由董事長招集並以董事長為主席董事長因故不能執行職務時由副董事長代理

第五條常務董事每月須開常務會議一次商決進行事項每年須將經辦情形款項收支報告於董事會議

第六條修祠項款之收集以募捐方法行之由董事會印發募捐公啟及捐冊委託各地醫藥公會或醫藥界著名人士辦理之

第七條各地負募捐之責者應於接到捐冊後每二月結算一次將已募捐冊捐款匯繳本會保管俟集有成數即行舉辦修建事宜

第八條本會收到各地匯繳捐款後隨時登報公佈外並於辦理歲事時一面印佈總收支報告以昭大公

國醫事叢刊 卷上
一面將認捐經捐人姓名勒石立碑於祠內以垂不朽

第九條本會因辦事之必要得設置會計文牘庶務工程等主任由董事長於常務董事中指派輪流担任期各為一年

第十條本會設首都長生祠中央國醫館內必要時得在南陽設辦事處經辦招工監修等事

第十一條本章程如有未盡事宜得由董事五人以上之提議經董事會議決議修改之

請規定祭祀醫聖日期以報功德而資紀念案
禮云有功德於民者則祀之能為民捍災禦患者則祀之

嘗攷上古伏羲畫卦爻以明陰陽之理制婚姻以奠人倫
之基神農嘗草木以療民疾而本草乃興黃帝咨岐伯發
明經俞而內經以作張仲景撰傷寒雜病論而集方書之
大成孫思邈著千金備急方詳列證治以分科茲數聖哲
建醫藥學術之圭臬樹人羣衛生之保障不惟功德普及
東亞而且仁術被於萬世。等念茲在茲數典何能忘
祖實事求是崇德思所報功敢請依照祭祀孔子關岳之
例規定祭祀醫聖日期並於是日醫業界一體休業以昭
信仰而誌紀念是否有當理合呈請

大會公決

擬編纂國醫婦兒內瘍各科證治全書案

竊以吾國醫書汗牛充棟歷年既久流派紛歧學者不惟望洋興嘆而且無所適從國醫之不振學說之龐雜職是之故茲為整理羣書統一學說融會古今適於應用起見擬延聘專家編纂國醫證治全書以素問靈樞傷寒論金匱要畧千金要方五書為主神農本草八十一難甲乙經脈經巢氏病源千金翼方外臺秘要聖濟總錄六科準繩醫宗金鑑圖書集成醫部為必要之參考書分為婦兒內傷各科用科學方法譜成統系提綱挈領分門別類擇其精要刪其繁蕪每一病名之下詳其證候附以治療諸法並參考古今中外各科醫書互相印證補其闕畧正其訛謬其書通例以無杜撰附會遺漏重複四者為主要條件

俾學者臨證而有正確之認識及相當之治法利濟人羣
常非淺鮮可否之處尚希

大會公決

附擬證治全書編纂條例

一吾華醫學發明最早聖作賢述代有增益歷年久遠
卷帙浩繁流派既多純駁不一學者不惟望洋興歎
而且罔所適從茲為整理羣籍統一學術便利後學
適於應用起見爰將歷代醫書分科編纂擷精去蕪
薈萃成編俾學者得到正確之途徑而免他歧之惑
誤

一本書旨在整理先哲遺典發揚固有國粹貫串羣籍

醫事叢書 卷上
反博為約其編纂通例所列病名以無杜撰傳會遺漏重複四項為原則

一本書以素問靈樞難經甲乙經傷寒論金匱要畧六書為正宗經典當儘量闡發脈經太素巢氏病源千金要方千金翼方外臺秘要聖濟總錄六科準繩醫宗金鑑圖書集成醫部全錄十書為必要之參考書此外歷代各家醫書其中精要皆當采錄以資考證一本書取材廣博辭不厭詳志存利濟無門戶之見然要以宗旨純正理論翔實治療有效不涉玄虛怪誕者方可選錄

一本書分內科瘍科女科兒科傷科五類每科分若干